



Aningaasaqarnermut Naalakkersuisoq

Aningaasaqarnermut Ataatsimiititaliap suliaq nr. 01.31.06/09-00444 pillugu pingasunngornermi ulloq 9. december 2009-mi aalajangiineranik Naalakkersuisunut ilisimatitsineq.

Siunertamut kontomut 34.11-mut, 2009-mi suliaritinnernut immikkut ittunut ilinniartitsinermullu tunngasumut, oqaasertaliussaq

Naalakkersuisut inassutigaa,

- pilattaanerit katillugit 311-usut 15,2 mio. kroninik katillugit nalillit Peqqinnissaqarfiup nikisiteriffigisinnaagai, taamaalilluni pitsaanerpaamik agguarneqarsinnaaqqullugit,
- 34.11-mut, 2009-mi suliaritinnernut immikkut ittunut ilinniartitsinermullu tunngasumut, oqaasertaliussaq aamma oqaasertaliussamut nassuiaatit akuersissutigineqassasut.

Aningaasaqarnermut Ataatsimiititaliap oqaaseqaatai

Oqaasertaliussamik aningaasat atunngitsuukkat utaqqisunik ikilisaanissamut immikkut atugassiissutigisat aningaasat ukiannut aggersumut nuunneqarnissaannik periarfissiisumik ilanngussinissaq Naalakkersuisut suliami matumani qinnutigaat.

Neqerooruteqartitsineq ulloq 10. november naammassineqartoq oqaasertaliussinissamik kissaateqarnermut Naalakkersuisut tunngavilersuutigaa. Pilattaanissamik pilersaarutit 2010-mi tamakkerlugit ingerlassinnaanerat periarfissaqanngitsoq neqeroorutitut tiguneqartut misissornerini paasinarsisimavoq. Tamanna juullimut atatillugu angallaneq pissutigalugu suliaritittussanut utaqqisunik ikilisaanissami ilaasunut timmisartumi inissat killeqarnerannik pissuteqarnerneqarpoq. Tamatuma saniatigut ilaatigut ujalorsuarnik tuinillu pilattaanerit sapaatit akunneri pingasut tikillugit sivilissuseqartarput, taamaattumillu aningaasat ukiuanni matumani pilattaanerit taakku tamakkiisumik ingerlannissaat (taamaalillunilu taakkununga aningaasartuuteqarnissaq) periarfissaqarani.

Naalakkersuisut Aningaasaqarnermullu Ataatsimiititaliap aalajangiinissamut sapinngisamik tamakkiisumik tunngavissaqarnissaat qulakkeerumallugu neqerooruteqartitsinerup, ulloq 10. novemberimi naasup inerneru Naalakkersuisut namminneq saqqummiussimasariaqaraat ataatsimiititaliap isumaqarpoq. Taamaattumillu neqerooruteqartitsinerup inernerinut takussutissiamik pissarsisinneqarnissani ataatsimiititaliap kissaatigaa. Takussutissiap neqerooruteqartunut, sullississutissanut, akinut, piffissamut suliarinniffissamut kiisalu piumasaqaataasinnaasunut allanut immikkoortitigaanissaa qinnutigineqarpoq.

Kiisalu qinnuteqaat missingersuusiordermut inatsimmi maleruagassanut tamakkiisumik malinnittut Naalakkersuisunit nalilerneqarnera ataatsimiititaliamit maluginiarneqarlunilu pingaartinneqarsimavoq.

Aningaasaqarnermut Ataatsimiititaliap aalajangiinera

Siuliani allassimasutut paasinnilluni Naalakkersuisut inassuteqaataat Aningaasaqarnermut Ataatsimiititaliamit **akuerineqarput**. Apeqqutinut allassimasunut Naalakkersuisut akissutaat kingusinnerpaamik ataasinngornermi ulloq 4. januar 2010-mi kalaallisut danskisullu nuutinneralu qarasaasiakkut uunga nassiunneqareersimanissaa qinnutigineqarpoq: nch@ina.gl.

Aningaasaqarnermut Ataatsimiititaliap sinnerlugu

Naaja Nathanielsen
Aningaasaqarnermut Ataatsimiititaliap siulittaasua